



**Äntwert vum Minister fir Mobilitéit an ëffentlech Aarbechten op d'parlamentaresch Fro n° 7951 vum 2. Mee 2023 vum Här Deputéierte Marc Goergen.**

Wéi vill vun deenen 430km, déi säit 2018 un neier Vëlospiste sollte gebaut ginn, si bis elo gebaut ginn?

An dem genannten Zäitraum si follgend Vëlospiste vum nationale Vëlosreseau gebaut ginn:

Projet	Ongeféier Längt [km]
PC1, Dommeldange - Beggen	1,0
PC3, Vianden - Bettel	1,0
PC3 (N10), Hëttermillen - Stadtbredimus	3,8
PC3 (N10), Wormeldange - Ahn	2,0
PC3 (N10), Wormeldange	1,4
PC7 (N7) (provisoresch Streck)	31,0
PC7b, Urspelt - Marnach	2,0
PC8, Belval - Esch-sur-Alzette	1,5
PC8, Belvaux	0,7
PC8, Belvaux - Niedercorn	5,3
PC14, Schoenfels - Mersch	3,1
PC16, Ettelbruck - Diekirch	1,8
PC18, Heiderscheid - Esch-sur-Sûre	7,3
PC20, Halte de Merkholtz - Wiltz	5,2
PC21, Clervaux - Clervaux gare	0,5
PC27, Cimetière militaire Schaedhaff	1,9
PC29, Rennpad Junglinster - Bourglinster	1,7

PC35, Bascharage - Biff	0,2
PC104, Foetz - Pontpierre	1,7
<b>Total:</b>	73,1

Et sinn och op anere Platze Deelstécker a Weeër amenagéiert, respektiv schonns fir d'Cycliste befuerbar, wou awer nach d'Ueschlëss (nach an der Etude oder am Projet) zu bestoende Piste feelen an deementspreechend nach net vollstänneg als Vëloswee ze benotze sinn (feelend Verbindungen).

Parallel leeft e grouse Projet fir de kompletten nationale Vëlosreseau homogén auszeweisen, esou dat iwwert déi nächst Joren nei fäerdeg Dealer do bäigesat wäerte ginn.

Wéi vill vun deenen 180 km (dovunner 113 km déi 2018 deklasséiert waren) déi vu fréiere Vëlospisten erëm sollten opgeholl ginn, sinn elo erëm Deel vum Reseau?

D'Zuel vun 180 Kilometer ass net an deene vum Här Deputéierte referenzéierten Dokumenter ze fannen. Ausserdeem si mat deenen genannten 113 Kilometer national Vëlospiste gemengt, déi deklasséiert solle ginn esoubal eng besser Alternativ realiséiert konnt ginn.

Eng aner Méiglechkeet vun engem Deklassement ass, datt eng national Vëlospist net méi koherent mat der Strategie vum neie Vëlospistegesetz ass.

Momentan sinn nach eng 105 Kilometer ze deklasséieren esoubal all déi Verbindunge realiséiert gi sinn, déi d'Gesetz virgesäit. Dës Zuel kann awer ëmmer erëm variéieren (och no uewen) jee nodeems wéi déi geplangte Stréck sech am Verlaf vum Projet verännert.

Déi genannten 113 Kilometer vun 2018 sinn also net 1 zu 1 mat dëser Zuel ze vergläichen.

Am Modu 2.0 war fir 2025 d'Zil, dass 10% vun den Trajeten (>5km) Doheem-Aarbecht via Vëlo gemaach ginn. Bei wéi vill Prozent si mir haut? Am Modu 2.0 war fir 2025 d'Zil festgesat ginn, dass 15% vun de Schoulweeër (>5km) mam Vëlo gemaach ginn. Bei wéi vill Prozent si mir haut?

Aktuell Zuele leien net vir. Virun 2025 wäert eng grouss "enquête ménages" zur Mobilitéit (ewéi 2017) gemaach ginn an déi dann aktuell Wäerter liwweren.

2018 ware 95 km vum Vëlosreseau am "trafic mixte". Wéi vill Kilometer sinn et haut? Wéi vill Prozent vun der Gesamtlängt vun de Vëlospiste sinn et haut?

Momentan si vum nationale Vëlosreseau ongeféier 80 Kilometer am sougenannten "trafic mixte".

Wéi eng Projete fir nei Vëlospisten, déi zu deenen 1.102 km Réseau sollte bäidroen, goufe schlussendlech zréckbehalen? Wéi ass de Stand vun deene Projeten?

D'Stroossebauverwaltung schafft am Prinzip um Ausbau vum gesamte Vëlosreseau wei en am Gesetz virgesinn ass. Wei an der éischter Fro schonns duergeluecht, mussen nach vill Deelstrecken an Uschlëss op bestoend Strécke studéiert a gebaut ginn, ier komplett Verbindunge fäerdeg sinn. De Fortschrëtt vun de verschiddene Projete respektiv eenzele Lousen hänkt staark vun enger Réi Aspekter of, wei ënnert anerem den néidegen Terrainen, de Geneemegungen a Konventiounen.

Follgend een Iwwerbléck op all d'Vëlospisteprojeten, déi am Abléck vun der Stroossebauverwaltung op Basis vum genannte Gesetz (wat +- 585 Kilometer virgesäit) studéiert ginn:

Projet	Aktuell Etapp vum Projet	Ongeféier Längt [km]
PC1 Luxembourg Merl	Maachbarkeetssetüd	0,8
PC1 Strassen - Bridel - Juegdschlass	Maachbarkeetssetüd	6,1
PC1 décharge Strassen - PC13	Virprojet	1,2
PC3 Bettel - Hoesdorf	Virprojet	5,2
PC3 Hëttermillen - Ehnen	Avant-projet	1,7
PC5 Reisdorf - Ermsdorf	Virprojet	6,9
PC5 Reisdorf - Ermsdorf	Virprojet	(ofhängeg vun der zeréckbehalener Variant)
PC5 Koedange - Godbrange - Junglinster	Virprojet	6,3
PC6 Ellange Gare - Elvange	Maachbarkeetssetüd	1,5
PC6 Remerschen - Wintrange	Maachbarkeetssetüd	3,0
PC6 Hellange - Aspelt	Maachbarkeetssetüd	6,8
PC6 Aspelt - Mondorf	Maachbarkeetssetüd	9,0
PC6 Bascharage - Linger	Maachbarkeetssetüd	1,1
PC8 Niedercorn - Pétange	Maachbarkeetssetüd	4,0
PC8 Bettembourg - Dudelange - Kayl	Maachbarkeetssetüd	5,0
PC9 Reckange/Mess - Roedgen	Maachbarkeetssetüd	1,9
PC9 Limpach - Reckange/Mess	Maachbarkeetssetüd	2,2
PC9 Leudelange am Bann	Maachbarkeetssetüd	1,8
PC10 Abweiler - Leudelange	Maachbarkeetssetüd	2,8

PC11 Alzingen - Aspelt	Maachbarkeetsëtüd	8,2
PC12 Traversée de Useldange	Virprojet	1,6
PC12 Kleinbettingen - Steinfort	Maachbarkeetsëtüd	3,8
PC12 Bissen - Boevange	Virprojet	1,7
PC12 Bissen - Boevange	Virprojet	3,9
PC14 Kopstal - Schoenfels	Virprojet	7,4
PC15 Mersch - Walferdange	Maachbarkeetsëtüd	6,5
PC15 Mersch - Walferdange	Maachbarkeetsëtüd	0,8
PC15 Schieren - Ettelbruck	Terrain	1,9
PC15 Mersch - Walferdange	Maachbarkeetsëtüd	7,5
PC16 Goebelsmühle - Kautenbach	Terrain/Geneemegung	3,9
PC16 Diekirch - Campus LTA	Detailléierte Virprojet	1,2
PC16 Ettelbruck Gare - CHDN	Detailléierte Virprojet	0,6
PC17 Koetschette - Rambrouch	Geneemegung	2,0
PC18 (anc. PC17) Arsdorf - Lultzhausen	Detailléierte Virprojet	9,0
PC18 Haut Martelange - Martelange (Rombach)	Detailléierte Virprojet	1,3
PC18 Niederfeulen - Heiderscheid	Virprojet	6,7
PC21 Clervaux - Wilwerwiltz	Virprojet	7,5
PC22 Bleesbruck - Tandel - Fouhren	Terrain	6,1
PC24 Cruchten - Schronweiler	Virprojet	3,4
PC24 Schronweiler - Medernach	Virprojet	6,0
PC25 Niederfeulen - Grousbous	Detailléierte Virprojet	8,5
PC25 Grousbous - Useldange	Virprojet	8,1
PC26 Ehnen - Roodt/Syre	Virprojet	6,7
PC26 Ehnen - Roodt/Syre	Virprojet	11,3
PC27 Waldbredimus - Moutfort	Maachbarkeetsëtüd	8,5
PC27 Moutfort - Gare Sandweiler	Maachbarkeetsëtüd	3,8
PC27 Bous - Waldbredimus	Maachbarkeetsëtüd	1,2
PC27 Stadtbredimus - Bous	Maachbarkeetsëtüd	3,3

PC27 Pulvermühle - Gare Cents	Maachbarkeetsetüd	1,2
PC27 Cimetières militaires - Gare Cents	Maachbarkeetsetüd	1,8
PC28 Capellen - PC12 Steinfort	Virprojet	5,4
PC28 Capellen - PC12 Steinfort	Virprojet	2,4
PC28 Centre logistique - Bettembourg Gare	Maachbarkeetsetüd	6,5
PC29 Junglinster - Bourglinster - Imbringen	Virprojet	3,9
PC36 Niederwampach - Troisvierges	Virprojet	29,0
PC37 Useldange - Keispelt	Virprojet	4,3
PC37 Useldange - Keispelt	Virprojet	10,8
PC38 Bascharage - Dippach-Gare	Virprojet	3,6
PC103 Berchem - Cloche d'Or	Avant-projet	1,5
PC7b Clervaux - Urspelt	Am Bau	2,6
PC9b/PC35 Dippach-gare	Am Bau	1,7
PC21 Clervaux - Maulusmühle	Am Bau	5,2
PC37 Peppange - Bettembourg	Am Bau	0,5
PC104 liaison Micheville	Am Bau	1,1
	<b>Total:</b>	<b>291,2 km</b>

Lëtzebuerg, den 19. Juli 2023

De Minister fir Mobilitéit an ëffentlech Aarbechten

(s.) François Bausch